

JOANNIS FRANC  
HALENS  
S. THEOL. AC PHIL

SCHEDI  
PHILOLOGICO -  
DE  
PRIMARIIS QV  
VERSIONIS S  
VIRTUTIB  
IN  
QVORVNDAM NO  
LOCORVM ILLVS  
CONSPICV



---

HALÆ MAGDEBV  
Stanno JO. CHRIST. HIL

2  
ANCISCI BERND,  
ENSIS,  
C PHILOL. CVLT.

# DIASMA

O - EXEGETICVM  
DE

QVIBVSDAM  
S SYRIACÆ  
VTIBVS,

IN  
NOVI TESTAM.  
ILLVSTRATIONE  
INSPICVIS.



GDEBVRGICÆ,

T. HILLIGERI, Ao. 1732.



VIRIS

*SVMME VENERANDIS, AMPLISSIMIS*

*ATQVE*

*EXCELLENTISSIMIS,*

D O M I N O

JO. HENRICO MICHAELIS.

S. S. THEOL. DOCT. EIVSDEMQUE VT ET GRÆCÆ

ATQVE OO. LL. PROFESSORI PVBLICO ORDINARIO

VEN. FACVLTATIS THEOL. DECANO,

D O M I N O

IOACHIMO LANGIO,

S. S. THEOL. DOCTORI EIVSD. PROFESS. PVBLICO  
ORDINARIO,

ET

D O M I N O

CHRISTIANO BENEDICTO  
MICHAELIS.

S. S. THEOL. AC PHILOSOPH. PROFESSORI  
PVBLICO ORDINARIO,

THEOLO-

THEOLOGIS DE RE TVM ECCLESIASTICA  
TVM LITTERARIA MERITISSIMIS

*PRÆCEPTORIBVS SVIS PIE VENERANDIS,*

PRIMITIAS HASCE EX PHILOGIÆ MESSE COLLECTAS,  
OFFERT ET COMMENDAT,

VENERANDORVM

ILLORVM NOMINVM

Cultor perpetuus

JO. FRANCISCVS BERND,



§. I.



Uemadmodum ingens summi beneficium numinis esse censetur, quod gratiosam suam de sempiterna hominum salute voluntatem reuelauerit; sic non immerito grande Dei beneficium esse putatur, quod voluntatis suæ declarationem adeo huic illiue non adstrinxerit linguæ, siue Hebrææ in Veteri, siue Græcæ in Nouo Testamento, vt non potuerit etiam alia, vel cognata, vel prorsus diuersa lingua declarari. Quare suum etiam sacrorum versionibus ac translationibus oraculorum esse adiudicandum pretium, omnes diuiniore doctrinæ mystæ vno fatentur ore; quantumuis non negent, *ἀνθεντικὰς* sacrorum eloquiorum linguas, omnibus esse versionibus anteponendas. Non enim ignorant, nullam versionem e textu authentico expressam, tam perfectam, omnibus numeris tam absolutam esse, tamque textui respondere authentico, vt næuis sit ac mendis prorsus destituta.

§. II.

Nec desunt etiam causæ, quæ versionum næuos a priori, quod aiunt, arguant. Siue enim textus primarii, &

versionis ex eodem expressa naturam, siue diuerfos diuersarum linguarum idiotismos, siue etiam ipsam translatoris conditionem expendant: affatim, puto, ipsis caussarum occurrit, quamobrem, nzuos in qualibet, etiam adcuratissima, versione, ineuitabiles esse posse negent, pernegent.

### §. III.

Quemadmodum autem id de omnibus generatim translationibus, quocunque illæ nomine adpellentur, a quocunque auctore sint profectæ, dici potest: sic speciatim de Syriaca Noui Testamenti versione, quæ omnium doctorum iudicio virorum, venerabili lua se antiquitate sacrarum lectoribus ac scrutatoribus effatorum commendat, idem ferendum esse iudicium censeo. Opus quidem egregium est, suoque, vt antiquitatis, ita etiam ἀριβέας nitore splendet: sed, ad solis tamen instar, aliquibus subinde maculis distinctum, inmo obfuscaturum conspicitur. Idque multis probare exemplis pronum mihi foret, nisi ad virtutes potius huius translationis meorum aciem oculorum mihi volupe fuisset dirigere. Quicunque enim censoria aduersus hanc translationem virgula vsi sunt, (a) quocunque næuos in ea critico

- (a) v. gr. Clarissimus MICHAEL HENRICVS REINHARDVS, in Dissertatione, quam de versione Syriaca N. Testam. a textu græco recedente, conscripsit Witenbergæ A. 1723. Qui aliquot menda obseruauit, nec tamen omnia. Nos plura obseruauimus, inter quæ præcipua sunt *Matth. XI. 2.* vbi Syrus δύο τῶν μαθητῶν reddit per discipulos suos, *Marc. I. 2.* ἐν τοῖς προφήταις reddit in *Esaia.* *Luc. XIV. 5.* Syrus υἱὸς reddit per breh filius eius. *Jō. I. 28.* Bethabara reddit per *Bethania*, c. *XIX. 25.* quatuor iuxta Christi crucem mulieres statuit; cum tamen tres fuerint.

(b) Loc.

tico notaverint obelo: fateri tamen coguntur, eam, plurima ex parte, sua non esse laude defraudandam. (b)

§. IV.

Multis hic esse nobis liceret in copiose recensendis huius translationis virtutibus, nisi vereremur, ut iam ante actum ageremus. ÆGIDIVS enim GVTBIERIVS, vir de Syriaca litteratura meritissimus, in præfatione, quam Nouo Testamento Syriaco, a se vulgato, præfixit, tum ipse elegantiam huius versionis, eiusque præ aliis, quam mereatur, prærogatiuam dignis euehit laudibus; tum largam doctissimorum virorum, MARTINI, FRANZII, FLACII, GVALT-PERII, TREMELLII, WALTONI, aliorum, segetem pandit, qui Syriacæ versionis grande, promeritum tamen, statuerint pretium, eique principem inter reliquas versiones, recentiores imprimis, adsignauerint locum. Nec diffiteor ipse, me ante aliquot annos ad auream huius lectionem versionis, suauibus illis encomiis, quibus a Viris istis doctissimis ornata sistitur, pellectum, in ipsa eius lectione, amabilem illius cimelii faciem, auctorisque illius ἀντιβιβαστὴν hermeneuticam conspdatum admirabundo fuisse animo, atque, vna alteraque lectione peracta intellexisse; versionem illam omnibus nostris esse laudibus longe maiorem. Quare non possum, quin

- (b) Loc. cit. §. I. Cl. REINHARDVS debitis hanc versionem laudibus exornat. Nam virtutes eius recenset, positas 1) in conuenientia stili Syriaci cum stilo Hebræo V. Testamenti: 2) in luculenta V. Testam. explanatione: 3) in declaratione rituum & antiquitatum: 4) in eius conseruatione per seculum barbara ad nostram usque ætatem. Imo hanc versionem horto comparat amœnissimo, *in quo quam plurimas distinguere arbores, suauissimos fructus decerpere, multiplicesque flores legere liceat lectori.*



quin primarias eius versionis virtutes seligam, & quantopere iis fuerim delectatus & adhucdum delecter, Philermeneutis testatum faciam.

### §. V.

Ad primarias igitur versionis Syriacæ virtutes *primo* loco referendum esse decernò, quod de diuinitate Jesu Christi luculentissimum ex antiquitate ecclesiastica suppeditat testimonium. Quando enim *Joannes* c. I. I. sacratissimum illud verbi hypostatici describit arcanum, illiusque verbi tum æternitatem, tum hypostasin a patre distinctam, tum etiam eius essentialem cum Patre unitatem, legentium animis insinuat hunc in modum: ἐν ἀρχῇ ἦν ὁ λόγος, καὶ ὁ λόγος ἦν πρὸς τὸν θεόν, καὶ θεὸς ἦν ὁ λόγος; præstantissimus noster interpret insolitæ & arcanæ rei indolem insolita constructione signat, verbisque emphaticis ac ponderosis declarat. Quando igitur de verbi hypostatici æternitate Joannes loquitur, dicitque *in principio fuisse verbum*: Syrus id transfert per *in principio isthan h'vo meltho existendo existebat verbum*. Hic enim obseruo 1) singularitatem huius λόγος, cuius Joannes meminit, ab interprete nostro notabili caractere insigniri, eo consilio, ne intelligeretur verbum prolatitium & vulgare, sed hypostaticum vel singulare. Etenim cum vox *meltho verbum* fœminei sit generis, atque cum particulis, adiectiuis, verbis, fœminæ terminationis, semper construi soleat a Syro, quoties verbum *prolatitium* in Scripturis Novi Testamenti significare existimatur: singularis omnino constructio syntactica hoc loco & i. *Joh. I. I.* qua cum particulis & verbis, in verilem terminationem exeuntibus, construitur, videtur singulare quoddam verbum, a prolatitio toto genere diuersum, significare. Construitur enim cum verbo *h'vo* cum pronomine *hu* & cum pronomine siue nomine substantiuo *jth*

in virili suffixo exeunte. Quæ constructionis singularitas latine exprimi nequit, nisi quando cum pronomine *hu* constructur: *v'hu meltho* & ILLE *verbum* (vt sic inusitatam Syri constructionem, sermone latino exprimere fas sit) *existendo erat apud Deum*. Obseruaui nimirum cum ÆGIDIO GVTBIERIO: (c) *antiquitatem Syriacam a primis inde nascentis ecclesiæ temporibus, per inusitatam verborum constructionem fidei mysterium hic innuisse*, in voce scilicet *λόγος* quærendum, pioque adfectu venerandum: intelligi scilicet *verbum hypostaticum*, cui notio masculina competat. 2) *Verbum illud, de quo sermo est, ab initio non demum factum fuisse, vt Arrianorum nocentissima schola dicitur*. Id vero ex eo colligi posset, si paraphrasta simplici verbo *h'vo* tantum vsus fuisset. Quod si enim interpres vertisset: in principio *h'vo meltho*; non necessario verti deberet: ERAT *verbum*; sed verti etiam posset per FACTVM *erat verbum*: quemadmodum infra comm. 14. de eodem verbo dicit interpres: & *verbum besro h'vo*. quæ verba secundum Syri mentem vertimus: & *verbum factum est caro*, quia antea caro non fuerat. At vero Syrus τὸ *h'vo* simplex, & τὸ *ithau h'vo* notabili distinguit discrimine, ita, vt simplex *h'vo* significet *fieri, factum esse*; *ithau h'vo* vero *absolute & actualiter existere vel existisse*. Cum igitur Syrus non dicat; *in principio h'vo meltho*, vt commate 2. de rebus creatis dicit: & *omne per illum h'vo factum est*, & *sine illo ne quidem vnum h'voth factum est*, quod factum est: Sed dicat: *in principio ithau h'vo existendo erat verbum*, seu: (d) *in principio erat ipseitas, essentia,*

B

(c) In præfatione ad Nou. Testament. Syr. p. 16, 17. edit. de anno 1664.

(d) Nam τὸ *jth* Syriacum τὸ *eeth* hebræorum respondens, *ipseitatem* quasi, *essentiam & actualem existentiam* notat.

*tia, actualis existentia verbum ipsum* : manifeste ostendit interpres, tempore primitivæ ecclesiæ λόγον illum, de quo Johannes hic loquitur, ex numero rerum creatarum fuisse exemptum, & supra omnem rei creatæ conceptum, fortemque, longe, immo infinitis modis, euectum.

## §. VI.

Non minori ἀκριβείᾳ accuratissimus interpres filii Dei hypostasin, a Patre distinctam, declarat. Quando enim Joannes comm. I. porro dicit : καὶ ὁ λόγος ἦν πρὸς τὸν θεόν; Syrus iterum accurate reddit *v'hu meltho ithau h'vo l'voth aloho* & ILLE *verbum in existentia* seu *ijsitate sua* ( vt ita loquar ) *erat apud Deum*. Hinc ergo porro colligo, primitivam ecclesiam non credidisse 1) quod *verbum* illud in Deo fuerit instar *modi* in *subiecto*, vel consilii & destinationis in deliberante & destinante; sed tanquam singularis hypostasis a Patre distincta. Non enim vertit interpres : & ILLE *verbum erat baloho in Deo*; sed *l'voth aloho* quasi *in comitatu Dei*. Id enim τὸ *l'voth*, si loco nominis accipiatur, significat. *Lavvi* enim Syris est *adhaerere, comitari*; *l'voth* igitur nominaliter intellectum, *adhaesionem* & *comitatum* duarum personarum, citra earum commixtionem & confusionem, significat. Cum igitur *verbum* illud fuisse dicatur *l'voth aloho apud Deum*; apud ipsum veluti comes ipsius indiuvulsus fuit. (e) Et quemadmodum comes ab eo, quem comitatur, ratione subsistentiæ differt: ita hoc quoque *verbum*, in comitatu Patris existens, ab eodem ὑποστατικῶς distinctum merito concipitur. Ideo etiam observamus, primitivam ecclesiam non credidisse 2) quod

ver-

---

(e) *Pröverb. VIII. 30.* dicit sapientia hypostatica : *& fui ezlo vicinus eius, apud eum*, ita tamen, vt fuerim ab eo ὑποστατικῶς *nezal distinctus, separatus*.

verbum illud, quod apud Patrem fuit, ipse Pater fuerit. Comitans enim & adhærens, cum eo, quem comitatur, cuique adhæret, non commiscetur aut confunditur.

§. VII.

Pari ἀπειρέσις laudatissimus paraphrastes *verbi hypostatici* essentialem cum Patre vnitatem describit. Quando enim Joannes dicit, καὶ θεὸς ἦν ὁ λόγος; Syrus illud reddit: *valohothau h'vo hu meltho*, *Et Deus existendo erat illud verbum.* (f) Quo pacto interpretes ostendit, primitiuam ecclesiam verbo illi diuinam essentiam attribuisse per naturam. Non enim reddit Syrus; *Et verbum illud h'vo ERAT Deus* simpliciter; sed *ithau h'vo, ipseitas, actualis existentia verbi erat Deus.* Clarius de hac essentiali vnitatem testimonium exhibet comm. 18. Quando enim Joannes dicit ὁ μονογενὴς υἱός; Syrus id reddit per *jchidhojo aloho VNICVS DEVS*, *qui est in sinu Patris sui.* Hic nimirum obseruamus, Syrum hoc loco vocem υἱός non reddere per *bro* tanquam nomen caracteristicum, sed nomine vti essentiali, tribus diuinitatis hypostasibus communi, eidemque vocem *jchidojo* quæ *unicum* designat, iungere. Ex quo colligimus, primis christianis non infuetum & insolens fuisse, filium Dei *unicum* adpellare *Deum*; nec eos propterea refragatos esse Scripturæ, quæ diserte Patri tantummodo id honoris tituli tribuere videtur Jo. XVII. 3.

B 2

Non

(f) Præterea hic notandum, secundum interpretem nostrum huius propositionis subiectum esse ὁ λόγος; prædicatum autem ἦν θεός. Et si verba Syri transponantur hoc modo: *Et illud verbum existentia actuali erat Deus*: subiectum priori, prædicatum vero posteriori loco ponitur. Subiectum autem esse ὁ λόγος, tum articulus in sacro textu præpositus, tum etiam in Syriaca paraphrasi pronomen demonstratiuum *hu*, voci *meltho* præmissum, satis ostendunt.

Non enim ignorarunt, eum, qui *verus* Deus sit, esse quoque Deum *unicum*. At Christus verus Deus adpellatur, Jo. V. 20. sequitur ergo, ut etiam essentialiter *unus* seu *unicus* Deus sit. (g)

§. II.

Placet ad huc circa *χρῆσις* subsistere, atque, quomodo Christum interpres noster orantem in monte, & in oratione pernoctantem, descripserit, considerare. Nimirum Luc. VI. 12. legitur, Christum *διανυκτερεύοντα* fuisse *ἐν τῇ προσευχῇ* τῇ βεῆ. Syrus: *aggah h'vo*, *splendebat per noctem in oratione Dei*. Utitur interpres, ut exprimat verbum *διανυκτερεύω*, verbo, a *n'gah*, quod *splendere* est, descendente, in coniugatione *Aphel*; idque loco verbi *h'oth* quod speciatum *sub tecto pernoctare* est. (h) Cum igitur id verbi usurpet, quod *splendere*, *radios emittere* significat; non simplicem pernoctationem Christi in precibus fundendis intelligendam esse indicat, sed cum aliquo quasi fidereo splendore coniunctam. Sic latinis *luna pernox* dicitur, quæ per totam noctem splendet, nec ullis nebulis, nubibusque obscuratur. Nec dubitem, græcis hanc ipsam metaphoram placuisse, ut dixerint *σελήνην διανυκτερεύσαν*, *ἀστρά διανυκτερεύοντα*, quando per totam noctem cælo splendent sereno, *wann der Mond die ganze Nacht hindurch scheint, oder die ganze Nacht durch bey hellem und klarem Himmel die Sterne leuchten*. Syrus

(g) Hæc observatio, ex antiquitate ecclesiastica depromta, contra Socinianos tenenda est, qui nescio, quo pacto aut iure, polytheismi nobis maculam adspargunt, filium Dei *unicum* Deum, æque ac Patrem esse, adfirmantibus: cum tamen a primitivæ ecclesiæ sensu de Christi diivinitate ne latum quidem vnguem discedamus.

(h) Inde enim *beth*, *domus* descendit. Ipsum verbum illud occurrat Luc. XXI. 37.

rus igitur hoc propterea vltus est verbo, quoniam optime ad excellentissimum illud quadrabat opus, quod Christus in eo monte obiisse dicitur: notat enim, integram ab eo noctem non tantum in precibus ad Deum fufis transactam fuiffe; sed in eo etiam fuiffe mentis serenitatem, adeo, vt lucidi instar fideris per totam noctem coram patre suo, εὐδυνίαν in ipso habente, splenduerit. (i) Ex quo Christi exemplo, cum fiducia precati, quin pii summi numinis cultores, normam suarum precum sumere queant, nullus dubito.

### §. IX.

Ad primarias porro virtutes versionis Syriacæ pertinet, quod auctor eius in explicandis transferendisque Noui Testamenti phrasibus, stilum veteris testamenti imitatur: quæ virtus eo est excellentior, quo magis oraculorum diuinorum interpretem ornat. Multis id exemplis probarem, nisi me temporis, qua circumfcribor, itemque chartæ angustia breuiorem esse iuberet. Vnum tamen alterumue placet exemplum intueri. Paullus I. *Tim.* IV. 15. Timotheum monet, vt admonitiones suas salutare, quas ipsi dederat, curaret, hanc adiungens causam ἵνα σὺ ἡ προκοπὴ φανερὰ ᾖ ἐν πᾶσιν. Syrus ita transfert: vt cognoscatur ab omnibus, d' lakdomajch othe

B 3

ath

- (i) Ex hac Syri paraphrasi simul patet, προσευχὴν hoc loco non necessario pro *adricula* oratoria habendam esse, in qua seruator pernoctarit, vti existimant DRVSIVS, ROBERTVS GELLIVS, ille in Lexico sub voce *theophilab* hic in *reliquis emendationum versionis Anglicæ* ad h. locum. Id enim si fuisset, Syrus procul dubio vltus fuisset verbo *both*, quod sub *testo* pernoctare est. Conf. THOMÆ GOODWINI *Mos. & Aaron* p. 180. (13.) præcipue vero accurate hac de re dissertantem cel. CAMP. VITRINGAM de *Synag. veteri* lib. I, Part. I. c. IV. editionis Leuicopetr.

*ath, te venisse ante te*, id est, expedite progressum esse. Admodum concinne, puto, progressum illum, quem Paullus in Timotheo requirit, explicat. Vocem enim προκοπής, linguæ necessitate coactus, in verbum mutat, phrasinque vsurpat orientalibus quondam vsitatam, felicem alicuius progressum descripturis. Eum enim, qui expedite in re vel negotio quodam progrediebatur, dicere solebant *ire & ambulare & magnum fieri*, id est, gradatim proficere & ex vno progressu in alterum transire. (k) Syrus illam phrasin aliquo modo commutat ita, vt tamen eandem rem explicet, dum eum, qui profectus facit, talem esse dicit, qui *procedat ante se*, *der gerade vor sich hingehet*, nullo impedimento vel obstante, vel, si obstet etiam, eius progressum remorante aut retardante. Quam phrasin cum hoc loco vsurpet, quo Paullus a Timotheo postulat, vt eius profectus publice conspiciatur: Paulli fuisse mentem interpretes declarat, vt Timotheus *ante se procedere* studeat, omnibus impedimentis vel obiectis, vel adhucdum obiciendis, ne pensi quidem habitis; transcurtis potius & superatis & generoso, vt militem christianum deceat (C.I.18.) animo, contemtis. 2. *Tim.* III. 5. Paullus eorum, meminit, qui speciem præ se ferant pietatis, τὴν δὲ δύναμιν αὐτῆς ἡγημένοι. Hi, qui sint? Syrus ex stilo veteris Testamenti designat; quando reddit: *& a virtute Dei remoti sunt*. Hic enim obseruamus, interpretem 1) pronomen αὐτῆς, quod ad præcedentem εὐσεβείας vocem respicit, ita explicatum dare, vt illud referat ad virtutis, quæ in pietate est, causam primariam, quæ *Deus* est, cui pietatis cultus exhibetur *in spiritu & veritate* Jo. IV. 24. & ad quem ipsa cultus diuini origo refertur. Virtus

(k) Sic *Gen.* XXVI. 13. de Isaac ditescente dicitur: *& magnus euasit vir: abiit enim ambulando & crescendo, donec magnus fieret valde.*

tus ergo pietatis est virtus Dei. Illam qui negat sub externa pietatis *μὲρ φώσσει*, negat & ipsam Dei virtutem. 2) non ineleganter hanc suam translationem ad oraculum, quod *Jes. XXIX. 13.* legitur, adcommodasse, vbi Jehoua ita de peruerso sui cultu conqueritur : accedit hic populus, ore suo & labiis suis veneratur me (id est, *habet μὲρ φώσσει pietatis*) v' libro *rihbak mimmenni*, & cor eius remotum est a me; quæ vltima verba reipsa tantundem volunt, quod translatio Syra: & a virtute Dei remoti sunt.

### §. X.

Vbi ad ritus veterum in textu sacro fiat adlusio, non obscure Syrus indicat; quæ tertia eius versionis virtus est. Illustre exemplum existat 2. *Tim. II. 5.* vbi Paullus, Timotheo pugnam spiritualement commendans, dicit: *neminem coronari*, *ἐὼν μὴ νομίμως ἀθλήσῃ*. In quibus verbis, non nego latere quoddam indicium alicuius ad athletarum græcorum, romanorumque veterum ritus adlusionis: vsurpat enim apostolus vocem *ἀθλήσῃ*, quæ alioquin de athletarum pugnandi actu in scriptoribus græcis occurrit. Quid autem sit *νομίμως ἀθλῆν*, non æque Hermeneuticæ sacræ tironibus notum est. Syrus autem phrasin illam eleganter explicat, aduerbio *νομίμως* substantiue reddito, suffixo adpenso. Reddit enim: *een b'nomusesh lo methcathasch*, si secundum legem suam non pugnet. Nulli igitur dubitamus, quin apostolus hanc etiam locutionem suam ex veterum re athletica transsumserit, & ad pugnam spiritualement christiani militis adplicarit. Iis enim, qui athleticam exercebant, vel militiam quoque sectabantur, certæ erant leges præscriptæ, secundum quas certamen pugnae susciperent. Illi igitur, qui secundum leges sibi præscriptas depugnabant, aduersariumque vel hostes suos fortitudine & robore, vel arte quoque superabant, quodam certaminis præmio, quod plerum-



rumque laurea erat corona, ornabantur. Labet hic mihi aliquot leges ex reliquis Paulli monumentis colligere. I. Athletæ vel milites suis debebant instrumentis & armis esse instructi, *Eph. VI. II. 13.* II. Athletæ debebant firmo stare gradu nec hosti cedere licebat. *ibid. comm. 14.* III. Athletæ debebant cum aduersario congregari, eique fortiter resistere, *ibid. comm. 13.* IV. Athletæ debebant hostem vel aduersarium conficere, stare in acie vel palæstra, *ibid.* V. Athletæ ictibus suis non debebant aërem verberare, sed aduersarium petere *1. Cor. IX. 26.* VI. Athletæ debebant hostem suum *ὑποπίδεν* *supprimere*, *δολαγῶναι* *sub seruitutis iugum mittere*, *ibid. comm. 27.* Illum actum apostolus vocat *συλπίδεν ὑπὸ τὰς πόδας*, *Rom. XVI. 20.* coll. *Gen. III. 15.* VII. Speciatim milites se non debebant implicare curis circa victum, ne inhabiles redderentur ad pugnam, sed animi eorum intenderentur tantum ad opera militaria, rite & lubeunda & perficienda *2. Tim. II. 4.* IIX. Speciatim omnibus gymnics & athleticis exquisita in victu præscribebatur *δυσία*, ne immoderato cibi potusque usu corporis vires languerent, & ad certamen, cum vigore ineundum, ineptæ redderentur *1. Cor. IX. 27.* Tales athletæ & pugnatores *legitimi* (*νόμιμοι*) dicebantur, qui leges, modo commemoratas, vel alias etiam, sancte obseruabant. Talibus etiam corona donabatur. Patet igitur exinde, quam amplissimi sit sensus phrasia Paullina, *νομίμως ἀθλεῖν*; præcipue ad militiam christianam adplicata.

## §. XI.

*Quarta* virtus, quam primariam quoque adpello, est quod paraphrasta Syrus voces emphaticas interdum eiusmodi reddit loquendi formulis, quibus illarum sensus viuidis depingitur coloribus, eamque ob causam legentium mentibus viuacius proponitur. Sic *I. Jo. II. 28.* phrasin *ἔχεν παρρησίαν* elegantissime exprimit per *Et sit nobis ghaljuth appeh reue-*

*latio faciei.* (l) Ex ordine enim iudiciorum, apud veteres olim usurato, hanc phrasin defumit. Solebant enim antiquis temporibus, qui criminis aut maleficii alicuius rei ad iudicia raptrabantur, facie obuelari. Ritus ille apud romanos erat in usu, dum rei sordidi, barba intonsa & promissa, capillisque in faciem demissis, adeoque facie obvelata, coram iudice, in publico iudicii loco comparebant: (m) Vetabat ritus ille iudicis adspectum, actoris, aliorumque circumstantium, symbolumque erat malæ conscientiae, qua vexatus alterum, nedum iudicem suum,

C.

con-

(l) Interpretes παρρησιας vocem varie reddunt. VETVS interpret latinus & ERASMVVS vertunt: *ut fiduciam habeamus*. LVTHERVS & PISCATOR per *Freudigkeit* explicant. BELGÆ rotundius & ad vocis illius sensum adcommodatius reddunt per *wymedigheid*; quos etiam REIZIVS sequitur. CASTELLIO per *confidentiam* interpretatur. Nulla tamen horum translatio interpretum, tam vivide παρρησιας vocem, quæ iudicalis est & forensis, proponit.

(m) Probari hoc potest vel ex ipsa historia sacra, quæ Christi vexationes in ædibus maximæ pontificis subitas enarrat *Luc. XXII. 64. Marc. XIV. 65*. Hic enim disertè dicitur, illos milites, qui Christum comprehensum in Pontificis ædes deduxerint, procul dubio romanos, adeoque patriorum rituum in iudiciis observatorum tenacissimos, *faciem Christi obtexisse* seu *obuelasse*, obuelatamque *colaphis excepisse*, cet. cum forte Christum coram pontifice παρρησιαζόμενον conspicerent, quo fontis imaginem referret. Nec etiam quemadmodum romanorum imperium tunc temporis in orientem vsque extendebatur, negari posse videtur; ritum illum, penes romanos receptum, ad populos simul extraneos, romanis parentes, delatum fuisse. Quid? quod apud Persas in oriente ritum illum, quo reorum facies obuelabantur, antiquitus observatum fuisse, clare doceat historia de Hamanis, Judæorum calumniatoris, supplicio, *Esther. VIII. 8*, descripto: imo in psalmis Davidicis passim huc respicitur, e. gr. *Ps. XXXV. 4. 26*.

rumque laurea erat corona, ornabantur. Labet hic mihi aliquot leges ex reliquis Paulli monumentis colligere. I. Athletæ vel milites suis debebant instrumentis & armis esse instructi, *Eph. VI. II. 13.* II. Athletæ debebant firmo stare gradu nec hosti cedere licebat. *ibid. comm. 14.* III. Athletæ debebant cum aduersario congredi, eique fortiter resistere, *ibid. comm. 13.* IV. Athletæ debebant hostem vel aduersarium conficere, stare in acie vel palæstra, *ibid.* V. Athletæ ictibus suis non debebant aërem verberare, sed aduersarium petere *1. Cor. IX. 26.* VI. Athletæ debebant hostem suum ὑποπιᾶσθαι *supprimere*, δαλῶν γαῖν *sub seruitutis iugum mittere*, *ibid. comm. 27.* Illum actum apostolus vocat συνλῆβειν ὑπὸ τὰς πόδας, *Rom. XVI. 20. coll. Gen. III. 15.* VII. Speciatim milites se non debebant implicare curis circa victum, ne inhabiles redderentur ad pugnam, sed animi eorum intenderentur tantum ad opera militaria, rite & lubeunda & perficienda *2. Tim. II. 4.* IIX. Speciatim omnibus gymnics & athleticis exquisita in victu præscribebatur διαίτα, ne immoderato cibi potusque vfu corporis vires languerent, & ad certamen, cum vigore ineundum, ineptæ redderentur *1. Cor. IX. 27.* Tales athletæ & pugnatōres *legitimi* (νόμιμοι) dicebantur, qui leges, modo commemoratas, vel alias etiam, sancte obseruabant. Talibus etiam corona donabatur. Patet igitur exinde, quam amplissimi sit sensus phrasīs Paullina, νομίμως ἀθλῆν; præcipue ad militiam christianam adplicata. §. XI.

*Quarta* virtus, quam primariam quoque adpello, est quod paraphrasta Syrus voces emphaticas interdum eiusmodi reddit loquendi formulis, quibus illarum sensus viuidis depingitur coloribus, eamque ob causam legentium mentibus viuacius proponitur. Sic *1. Jo. II. 28.* phrasin ἔχειν παρρησίαν elegantissime exprimit per Ὁ *sit nobis ghaljuth appeh reue-*

*latto*

*latio faciei.* (l) Ex ordine enim iudiciorum, apud veteres olim vſitato, hanc phraſin deſumſit. Solebant enim antiquis temporibus, qui criminis aut maleficii alicuius rei ad iudicia raptabantur, facie obuelari. Ritus ille apud romanos erat in vſu, dum rei ſordidi, barba intonſa & promiſſa, capillisque in faciem deſiſſis, adeoque facie obuelata, coram iudice, in publico iudicii loco comparebant: (m) Vetabat ritus ille iudicis adſpectum, actoris, aliorumque circumſtantium, ſymbolumque erat malæ conſcientiæ, qua vexatus alterum, nedum iudicem ſuum,

C.

con-

(l) Interpretes *παρρησιος* vocem varie reddunt. VETVS interpret latinus & ERASMVVS vertunt: *ut fiduciam habeamus*. LVTHE-RVS & PISCATOR per *Freudigkeit* explicant, BELGÆ rotundius & ad vocis illius ſenſum adcommodatius reddunt per *wymedigheid*; quos etiam REIZIVS ſequitur. CASTELLIO per *confidentiam* interpretatur. Nulla tamen horum translatio interpretum, tam viuide *παρρησιος* vocem, quæ iudicalis eſt & forenſis, proponit.

(m) Probari hoc poteſt vel ex ipſa hiſtoria ſacra, quæ Chriſti vexationes in ædibus maximæ pontificis ſubitas enarrat *Luc. XXII 64. Marc. XIV. 65*. Hic enim diſerte dicitur, illos milites, qui Chriſtum comprehenſum in Pontificis ædes deduxerint, procul dubio romanos, adeoque patriorum rituum in iudiciis obſervatorum tenaciſſimos, *faciem Chriſti obtexiſſe* ſeu *obuelaiſſe*, obuelatamque *colaphis excepiſſe*, cet. cum forte Chriſtum coram pontifice *παρρησιοςόμενον* conſpicerent, quo ſontis imaginem referret. Nec etiam quemadmodum romanorum imperium tunc temporis in orientem vsque extendebatur, negari poſſe videtur, ritum illum, penes romanos receptum, ad populos ſimul extraneos, romanis parentes, delatum fuiſſe. Quid? quod apud Perſas in oriente ritum illum, quo reorum facies obuelabantur, antiquitus obſervatum fuiſſe, clare doceat hiſtoria de Hamanis, Judæorum calumniatoris, ſupplicio, *Eſther. VIII. 8*. deſcripto: imo in pſalmis Dauidicis paſſim hoc reſpicitur, e. gr. *Pſ. XXXV. 4. 26.*

contueri libere non audet, sed faciem cum rubore demittit, iudicisque intuitui subtrahere studet. Contra vero, quando reus criminis purus erat, vel crimine absoluebatur, illa faciei obuelatio cessabat, vel locum non habebat: reatuque exemptus libere iudicem sine rubore ac pudore & cum bonæ causæ fiducia intuebatur. Atque hunc statum eius, qui a reatu immunis fuerat iudiciali formula declaratus, græci vno παρρησίας vocabulo adpellabant; quique eiusmodi edebat actus, ut sine pudore & cum bonæ fiducia causæ coram iudice loqueretur, eum arrecta fronte, bonæ causæ indice, intueretur, παρρησιάζομαι dicebatur. Allusum autem ad hunc esse ritum, hoc loco, oppositio clarum facit, qua παρρησία τῷ αἰσχρογέσσαι opponitur, eamque oppositionem interpretes noster, quam textus sacer, clarius, traictis licet vocibus quibusdam, indicat: *ut cum reuelatus fuerit, non erubescamus ab ipso, sed sit nobis reuelatio faciei in aduentu eius.* Peccator ergo Deo nondum reconciliatus, cum experitur iudicem; cumque continuos sentiat prauæ conscientiæ stimulos, faciem demittit more illius *publicani Luc. XII. 13. Caini, Gen. IV. 6.* & bonæ causæ aut recte factorum fiducia cassus, Deum ut iudicem intueri, neque potest, neque audet. Imago miserrimi illius status exhibetur *Exod. XX. 19.* Quando autem peccator a mala conscientia per Christi sanguinem purgatur, id est, quando ipsum de male a se factis pœnit, delictorumque suorum veniam a Deo ex Christi lytro impetrat; facies eius ob pudorem & metum antea demissa & quasi obuelata, erigitur & reuelatur, ut Deum non amplius tanquam seuerum iudicem, sed velut benignum in Christo patrem, intueatur. Imaginem felicissimi illius status videre licet in Mose, qui reliquo populo Israelitico maiestaticam Dei vocem timente & in fugum effuso, solus ad Deum accessit *Exod. XX. 21.* Hinc etiam, qui Christi sunt, ingruente Dei iudicio iubentur *capita tollere & suspicere Luc. XXI. 28.*

## §. XII.

Eodem referimus in signem illum Paulli locum, qui *Rom. IV. 12.* exstat. Ibi apostolus loquitur de iis, qui *incedant in vestigiis* Abrahami. Syrus noster verbum *ܫܘܪܚܐܘ*, quo Paulus utitur, ita reddit, ut nemo mihi interpretum notus sit, qui tam viderem, illo verbo significatam, proposuerit. Reddit enim *d'schal'min, qui complent* vestigia fidei in præputio patris nostri Abrahami. Verbum *ܫܘܪܚܐܘ* a nomine *ܫܘܪܚܐ* descendit quod *rectam* in acie *seriem*, quam latini *versum* adpellant, designat: ut adeo verbum *ܫܘܪܚܐܘ* significet *recto ordine* ac *versu* *incedo* *procedoque* ita, ut neque ad dextram neque ad sinistram deflectam. Significat etiam simpliciter *incedo, ambulo*. Cum autem id verbi cum nomine *ܝܚܝܥܐ* constructum sit: non simplicem notat ambulationem, sed adcuratum incessum, quo alterius præcessoris viam ita persequimur, ut vestigia eius legamus, iis insistamus, & hoc pacto neque dextrorsum neque sinistrorsum declinemus, donec ad eundem cum præcessore nostro viæ terminum perueniamus. Hanc adcuratam ambulationem Syrus quam elegantissime exprimit, cum metaphoram quidem a diuino usurpatam scriptore retinet; sed loco tamen *ܫܘܪܚܐܘ* verbum alius prorsus significatus adhibet. Poterat Syrus vertere *d'othen bhothar akbhotho, qui sequuntur vestigia* cet. Cum autem alicuius sequi vestigia is quoque dici possit, qui quocunque modo aliquem sibi præeuntem sequitur, siue vestigiis eius insistat, siue minus, dummodo ad eundem perueniat viæ terminum: ideo, loco illius, vel similis locutionis, Syrus verbo *ܫܫܠܡ* utitur, quod *perficere, complere* significat, germanice *in allen Theilen ausfüllen*. Et sic interpres ostendit, quousque perfectionis fidei Abrahamicæ imitatio procedere debeat, si & nos velimus ad eundem cum Abrahamo fidei terminum peruenire. Videlicet oportere nos omnia fidei Abrahamicæ vestigia non tantum quærere & legere, sed etiam

*comple*. Cumque ille masculam semper fidem ostenderit, (n) adeoque non puerilia aut iuuenilia, sed mascula fidei suæ vestigia nobis reliquerit; eo etiam singulis esse enitendum, vt mascula fide masculis fidei Abrahamicæ vestigiis respondeamus. Potest enim puer, potest etiam iuuenis, integri ac perfecti cuiusdam viri vestigia legere usque insistere, sed *comple*, quia puer aut iuuenis est, nequit. Vt breuibus dicam: requiritur, secundum nostri ductum interpretis, ab apostolo non fidei semper debilis puericia, sed integra & omnibus partibus absoluta virilitas, coll. *Eph.* IV. 13. 1. *Cor.* XVI. 13.

### §. XIII.

*Quinto* loco ad primarias Syriacæ versionis virtutes refero, quod eius conditor voces ambiguae vel dubiae significationis explicare ac determinare consuevit. De singulis vnum placet exemplum producere. Paullus 1. *Tim.* III. 4. de episcopo dicit, eum debere esse *τέννα ἔχοντα ἐν ὑποταγῇ*. Ibi verbum *ἔχειν* ambiguae est significationis: potest enim verti per verbum *habendi*; potest, per *tenendi*. (o) Syrus *tenendi* notionem huic verbo hoc loco tribuit, quando transfert: *ὁ ἀχιδὸς βνὰν β'σβὺ' bhodho* *Qui teneat liberos suos in obsequio*. Quæ etiam notio mihi, fateor, perplacet. Non est enim necessarium episcopi requisitum; vt vel liberos *habeat* simpliciter, vel liberos *habeat* etiam obsequiosos; quandoquidem vtrunque in eius potestate non semper est: sed id potius requiritur, vt, siue *habeat*

- (n) Abrahamus propterea debebat esse *pater omnium, qui credunt*, siue præputiati siue circumcisi essent, *Rom.* IV. 11. 12. Ideo perfectissimum firmæ & masculæ fidei exemplar, posteris suis reliquit *comm.* 19. Masculam illam fidem Paullus hoc capite maxime in Abrahamo collaudat
- (o) *Habendi* notionem illi tribuit VETVS latinus, LVTHERVS, CASTELLIO. *Tenendi* notionem tribuunt PISCATOR, BELGÆ, REIZIVS; cum quibus facit Syrus,

beat iam liberos in subiectione, eos etiam in subiectione teneat; siue non habeat in subiectione, eos intra obsequii carceres coërceat. Idem patet ex sequenti commate, quod Syrus cum commate 4. ita connectit, ut causam esse commatis 4. constet eo clarius. Ita enim reddit: *si ENIM domui suæ bene præesse non nouit, quomodo poterit ecclesiam Dei gubernare.* Sensus ergo est: *episcopum oportet liberos suos in subiectione tenere; quoniam præsumptio est, si liberos suos non coërceat sub obsequium, cum multo minus posse ecclesiam legitime gubernare.*

## §. XIV.

Dubiæ significationis vox est *φελώνης*, (*p*) semel 2. Tim. IV. 13. occurrens. Artis enim criticæ periti circa hanc vocem in diuersa quæque abeunt; nectamen, licet multum inter se concertauerint, certi quid circa eius significatum definiuerunt. Interpretes ut plurimum hanc vocem per *penulam*, germanice *einen Mantel, Reise-Mantel*, transferunt. (*q*) Ratio, quare huic voci id notionis tribuerunt est eius cum latinorum *penula* conuenientia. Hinc etiam PASOR in *Lex. græco*, cum animaduerneret, syllabam *φ* in *φελώνης* ratione quantitatatis non respondere latinorum *penulæ*, cum syllaba *pe* in *penula* producat: maluit loco *φελώνης* scribere *φηλώνης*, eadem coniectura, non dicam præiudicio, ductus. At vero, si Syrum nostrum consulamus, longe aliam huic voci notionem indidisse eum obseruamus. Adpellat enim *beth c'thobbe, receptaculum* seu *arcam scriptorum*. Etego profecto magis interpreta-

C 3

tioni

- (*p*) Hæc plurimorum codicum lectio est, præter CVRCELLEJI HESYCHIIque lectionem, quæ *φαλώνης* habet. Puto autem ex plurimorum auctoritate codicum, lectionem τῆ *φελώνης* genuinam esse.
- (*q*) Ita transferunt VETVS interpres, TERTVLLIANVS, ERASMVS, LVTHERVS, BELGÆ, PISCATOR. REIZIVS, itemque CASTELLIO.



tioni Syri, quam supra adductorum interpretum versioni, subscribendum esse decerno. Nam I. coniectura tantum est, vocem *φελόνης* esse latinorum *penulam*, solido satis fundamento non superstructa. Non enim dicitur latine *peluna*, nec græcæ dicitur *φενόλης*. Quod si quis dicat, τὸ N & λ litterarum transpositionem minus impedire ex latinorum *penula* illius vocis derivationem: ego respondeo, eiusmodi elementorum traiectionem in vocibus latinis, in nouo testamento usurpatis, nisi me omnia fallunt, vñ non facile solere obuenire; contra vero, voces latinas, in græcum textum cooptatas, eodem scribi elementorum positu, quamlibet sub terminatione græca. Ideoque coniecturam coniecturæ oppono, nec vocem esse latinam, sed græcam adfirmo. Etenim II. melius videtur posse deriuari ex græcorum *φέρω, fero, porto*: vt *φελόνης* dici potuerit pro *φερόνης*, liquida littera in aliam liquidam mutata, secundum canonem a grammaticis receptum: *litteræ eiusdem classis inter se permutantur*. Imo atticos ε ponere loco λ grammatici in dialectis obseruant ex voce *κρίβανος* loco *κλίβανος*. Quid autem impedit, quo minus dicamus loco ε poni vicissim λ vt dicas *φελόνης* loco *φερόνης*. Imo, si ex græco verbo *φέρω* illius vocis petatur origo, sua etiam primæ Syllabæ constat quantitas, vt non opus tibi sit cum PASORE contra plurimorum codicum fidem, qui *φελόνης* non *φηλόνης* legunt, id audaciæ committere, vt syllabam *φε* in *φη* commutes. Præposita igitur hac derivatione, *φελόνης* significabit instrumentum vel receptaculum aliquod, quo quid portatur; hoc autem loco designabit *arculam* seu *scriniolum* librarium, (r) cui scripta vel libri inclusi commode portantur, quia apostolus hoc commate de *βιβλίοις & membranis*, a Timotheo adferendis, loquitur. Imo III. Si omnes mecum *περιτάσεις* pensitem, haud difficulter Syro nostro adsti-

(r) HESYCHIVS celebris seculi VI. lexicographus, per *pallium* quidem *pellicem* explicat; ac dubitat tamen, anne *Scriniolum* sit *Φαλόνης*.

ad stipulor, non intellexisse Paulum *penulam*, sed *arcam* librariam. Nam α) penulam quis longa emensurus itinera non facile relinquat in loco, vnde proficitur: est enim aptissimum vestimenti vel indumenti genus, ad aëris intemperiem eo commodius tolerandam. β) Paulo non videtur opus fuisse *penula*, utpote carceri incluso, sui que martyrii proxime subeundi, probe conscio, com. 6. Hæ περιστάσεις mihi mouent scrupulos, ut dubitem, utrum penulam Paullus per φελόνην intellexerit? Sed, dixerit quis, si non fuit *penula*, quid tandem? num propterea certo constat, φελόνην fuisse librorum arculam, ut Syrus interpretatur? Verum Paulo magis opus erat librorum arca, quam penula, ob scripta, quæ vel in ea continebantur, vel in ea commodissime a Timotheo ad se perferri poterant, ut eorum lectione solitariam in carcere vitam transigeret. At vero scripta & membranæ separatim verbis proxime sequentibus recensentur, a Timotheo simul adferenda; (r) ad quid ergo ipsa librorum arcula? Respondeo: fuerunt plura scripta, plures membranæ, quas arculæ inclusas commodius, quam solutas, Timotheus secum adferre poterat. Sensus ergo Paulli huc redire videtur: *si veneris ad me libros tecum adfer, maxime membranas; Et ut eas eo commodius, Et sine detrimenti vel noxæ metu tecum adferre queas, adfer etiam arculam illam librariam, quam Troade apud Carpum reliqui, cui illas includas.*

## §. XV.

Sexta virtus versionis Syriacæ est, quod sæpissime egregie interpungit eius conditor. Vnum exemplum breuitatis causa adferam. Luc. XII. II. dicitur ὁ Φαρισαῖος σαθεὶς πρὸς αὐτὸν ταῦτα προσήνευχετο. LV THERVS verba πρὸς αὐτὸν verbo προσήνευχετο jungit: der Pharisaer stund, und betete bey sich also. Syrus autem verba πρὸς αὐτὸν cum verbo σαθεὶς coniungit: *Phariseus substitit apud se ipsum. Et hæc precatus est.* Hæc autem coniungi debere, sequens videtur ratio suadere. Si enim πρὸς αὐτὸν ad verbum

(r) Hoc dubium mouet contra Syri paraphrasin B. CHRIST. CELLARIVS in dissert. de Paulli romana ciuitate, in additam.

bum προσήυχeto referretur, scilicet  
 tiarum actionem in mente  
 præsente inprimis publicano  
 dinis non fuisse illius surfuris  
 discimus. (t) Inde non sine  
 quod Christus parabolice nar-  
 penes animum suum ita præ-  
 primis publicano, quo sibi  
 Hac igitur interpunctione p-  
*subsistere apud se ipsum* in Pha-  
 sua merita penes animum su-  
 sum fuisse sibi blandiendi, alio-  
 di, donec eam ore iactabun-  
 inconsiderata linguæ intemp-  
 sed ex præmeditato consilio  
 maioris utilitatis spem facit,  
 sollicita collatio.

§.

Hæc primitiarum loco f-  
 ret, plura eiusmodi collation-  
 quidem ultra chiliadem ex-  
 dicere, hermeneuticæ sacrae  
 pluribus adducendis superfl-  
 exemplorum schediasmatis  
 tum ne mihi aliis negotiis v-  
 præripiam: plura forte cum  
 municaturus, si labores h-  
 que iniucundos fuisse intell-

(t) Ibi enim servator noster  
 ἐξοχὴν Pharisei erant  
 gogis & angulis platearum  
 τοῖς ἀνθρώποις.

erretur, sequeretur, vt Pharifæus illam gra-  
mente tantum sua conceperit, non vero;  
publicano, ore protulerit; quod consuetu-  
furfuris hominibus, ex *Matth.* VI. 5. con-  
non sine veri specie coniicimus, si quando,  
olice narrat, reuera exstitit, Pharifæum non  
ita precatum esse, sed audientibus aliis, in  
quo sibi gloriolam & laudem conciliaret.  
ctione posita, paraphraſtes innuit, illud  
in Pharifæo non fuiſſe otioſum, ſed cum  
imum ſuum expendiſſe, indeque materiam  
endi, alios vero alto ſupercilio contemnen-  
iactabundo protulerit. Adeoque non ex  
æ intemperie illa Pharifæi de ſe encomia,  
o conſilio, prouenerunt. Tantæ imo, longe  
em facit, Syriacæ verſionis ſedula lectio ac

### §. XVI.

um loco ſufficiant. Non difficile mihi fo-  
collationis exempla adducere; quando-  
dem ex inſtructiſſimo iſthoc, non vereor  
cæ ſacræ theſauro, collecta habeo. Sed  
is ſuperſedeo, tum ne plurimum adductio  
niasmatis meſuram modumque exſuperet,  
negotiis vacanti, tempus iis impendendum,  
orte cum BENEVOLO LECTORE com-  
abores hoſce meos ipſi non ingratos at-  
ſſe intellexero.

---

tor noſter diſerte docet, ὑποκρίσας, quales κατ'  
ſæi erant *Matth.* XXIII. 13. ſeq. ſolere in *Syna-*  
*gogis platearum ſtare & precari*, ὅπως ὅν φανώσι  
ois.